

**Nwa wù fwe wu Bol gè saṅ fε
kintaashε ki
Tεsalonika le
Fiεε fi le a Nwa wu Tεsalonika
wù fwe wunε le**

Tεsalonika gè bee kilaantεṅ kimi a kimbe ki wonṅ wù Masεdonia le, a Bol gè kε kintaashε ki bamii ba mbεmε yo. Fi gè baanṅ she gε no kintaashε kinε gè kε gε, Bajuu mo bo kε bo banε Bol bo bεεne kindonṅ bε wu. Bol mo wu saṅ ṅwa wù fwe wunε fε bamii ba Kletu ba Tεsalonika le ki wu fε muntele muboo yúfe, wu gè bo lεme bo tεεme.

Bikwεε bi mwεε mù le a Nwa wunε le

1:1 Fεṅkεε

1:2–3:13 Bol yu njonṅ wu ka wu bεεṅsε bamii ba mbεmε

4:1–12 Ntefε kune kinche ki bamii ba le ba Kletu

4:13–5:11 Ntefε kune no Kletu lé wu gè wu kâasε wu tô

5:12–22 Ntefε yi fεkimεsε

5:23–28 Kimεsε

¹ Le mε wù Bol, nle besa Sila mo Timoti. Nsaṅε ṅwa wunε fε kintaashε ki bamii ba mbεmε ba a kilaantεṅ kɪ Tεsalonika kɪ le ki taashe ki nyume bε Nyo wù Chii yi Tada Jiso Kletu le.

Nyo wù Chiji wese besabεṅ dûnyε fitele fi jonε fε bεṅ le, wu ka wu nyâ bεṅ bε muntele mù nyiεgee.

*Bol nya kiyone fε Nyo le yi kintaashε
ki bamii ba mbεmε ki Tεsalonika le*

² Bee to bee nyaa kiyone Nyo le segechii kune beη bachii, bee buune segechii bee gεede beη a buune chesa le.

³ Sege bee le a Nyo wù le Chiji wese besabeη fwe, bee tu be kwaji gee chine χī bude yi fitele fi beη leese yi Kletu le be leme chine χī bude yi kinkeη kena le mo shéη yī beη kaane yī bude yi njiηe wù beη jiηe fwe yi Tada wese besabeη wù Jiso Kletu le.

⁴ Boon ba bwee wese ba Nyo keη, bee kee le Nyo le wu cha wa beη.

⁵ Bee kee noo nje saaka wù jone wù bee gè too be wu fe beη le, ge wu gè to nyu be nje me maa ge. Wu gè to te be bvunga bvù jade fe Kiyo ki Yuude le, bee kee chuule le saaka wuyu le nchieη. Beη kee kfuu chi bamii ba gè bee bee sege bee gè chee a beη nte ne nje beη.

⁶ Beη tu beη bege besa ba Tada nje beη gè fi saaka wuyu be kinlanye kī jade fe Kiyo ki Yuude le mo no beη gè fede yi ηge wù baan le.

⁷ Noo, beη mo beη tu bamii ba bamii ba mbeme bachii ba a bimbe bī Masedonia le mo bī Akéya le bo jòde njiηe fe bo le.

⁸ Nje me ne nje ge me geh je yi Tada yi saane fe beη le yi jienyi a bimbe bī Masedonia le mo bī Akéya le ge. Saaka wù kune fitele fiena fi beη leese yi Nyo le, le fi jienye wa te manjuu le manchii. Noo ge ntan ka nyume yu wù besabeη jê me fi ee kune fi ge.

⁹ Beη kée le bamii bayu kibee le bo seη kune no beη gè fi bee a beη nte ne, mo no beη gè chine banyo le beη tu be Nyo, ki beη lêne wa nyu Nyo wù nchieη le wù keme kinche.

¹⁰ Bo seη te no beη chie ne Mwa ye wù lé wu gé

wu já fεwe wu tô. Mwa ye wunε le wu wù gè bu yi kwe le, nyume Jiso wù bvuse besabεη chiaaη yi shén yi Nyo yĩ bεεne yĩ wu lé wu gè wu dûnyε bamii le.

2

Bol jεmε kune lεme che chi Tesalonika

¹ Boon ba bwee wese, bεη kibεε kêe le gε jigε chí bee gè la a bεη le gè lεsε achiji gε.

² Mo no bεη kêe le bamii gè nyaa ηgε bee le bo ka nyuse bε bee a kilaantεη kĩ Filibi le, bee gè kaane gεh shén a bvunga bvυ Nyo wese le, ki bee feje saaka wù jone wu Nyo bεη le mo no bamii bamu gè chidε bee weseε nε.

³ Gε saaka wù bee gè feeji bee lεge bεη yu gè bee bε jiale kεnε bε ηkwaje wumu wù befe kεnε bee goone ki bee lêε lo bε bεη gε.

⁴ Geenε no Nyo le wu yεη le bee le be koje bamii ba wu nyâ saaka wù jone wunε chiaaη yiboo le, noo bee mo be feeji. Gε bee feeji le ye jône nyume bamii gε. Bee feeji le yi jône nyume Nyo wù taade muntele mwesa.

⁵ No bεη kee le bee gè baan a yu gε be tôo bε jé ki bee yene kεnε ki bee tεyε fiεε fε jii ki bee jĩ fiεε chiaaη yene le gε. Finε nyume fiεε fi Nyo lεme a bee fwe.

⁶ Gε bee baan be goone ki be kêmε mbεεηsε wumu fε muh le kεnε wù jade fε bεη le kεnε fε bamii bamu le gε. Gè bee kijuse kesa nje boon ba ntun ba Kletu le ki bee bíide mwεε, le bεη gêe fε bee le

⁷ Bee gè bee fiesa nyiεgee a bεη ntεnεε nje bwee mwa wù jiinε fε boon be le.

⁸ Noo, bee mo bee jo beη ye le chuule be kin̄kon̄e, ge bee ge nya beη nyume be saaka wù jon̄e wu Nyo maa ge, geen̄e bee nya te bikw̄ee bīesa beη le nje beη gè bee wa a muntele mwesa le baan̄.

⁹ Boon̄ ba bwee wese, ge beη kwaji te l̄eme chesa be mbunye wese ge. Bee gè l̄ene antan̄ be f̄enshe wu l̄e keefe bee gēe bvujije yi muh mu beη le no bee gè feeji saaka wù jon̄e wù wu Nyo f̄e beη le ge.

¹⁰ Beη kib̄ee mo Nyo tan̄lo beη bēe jin̄ yi nsa wese l̄e kinche kesa f̄e beη bamii ba mb̄eme le, gè bee k̄i yuude nyume k̄i chaan̄ ki k̄eme ge jiale chimi ge.

¹¹ Beη kee te no bee gè gee be beη nje no chiji mwa to wu gee be boon̄ be.

¹² Bee gè yufe muntele mw̄ena, bee loji beη, bee toone l̄e beη ch̄ee kinche k̄i Nyo goone. Nyume Nyo wù t̄en̄e beη l̄e beη l̄ee bvunfon̄ bwe le be bvukuge bwe.

¹³ Bee to bee nyaa kiyone Nyo le nje fin̄ fi le l̄e sege bee gè to be j̄e yi Nyo f̄e beη le, beη gè fi j̄e yiyu ḡeh no yi gè bee l̄e le j̄e yi Nyo, nyume ge j̄e yi muh ge. Nyume yi ȳi l̄ene ye yene le, beη ba le bamii ba mb̄eme.

¹⁴ Boon̄ ba bwee wese beη k̄ee l̄e fīee fi gè kooshe be bintaashe bi bamii ba mb̄eme ba Nyo b̄i le bi bēeη Kletu Jiso le a kimbe ki Judia le, gè kooshe te be beη. Beη gè ȳen̄ te ban̄ge chiaan̄ yi bamii bena ba won̄ le ḡeh ȳeen̄ȳeen̄ no bo gè ȳen̄ chiaan̄ yi Bajuu baboo le.

¹⁵ Bajuu ban̄ le bo b̄o gè yuuȳe Tada Jiso. Nyume bo b̄o gè yuuyi bamii ba ntun̄ ba Nyo. Nyume bo b̄o gè kun̄e be bee abo n̄e. Bo gee noo Nyo yuge ge njon̄ be bo ge. Bo ban̄ bamii bachii,

¹⁶ no bo banje je bee le ki be jeme bamii ba le ge Bajuu le ge wu le bo bone. Bo gee noo segechii bimbefe biboo yiise bi bene. Shen yi Nyo yi bene nyume yi to wa yi bo le mese.

Bol tu wu keme kinke ki wu ka wu yeh bamii ba mbeme ba Tesalonika

¹⁷ Boon ba bwee wese, no besaben chi gas bee mon wa wese bee keme kinke baan le bee yen ben le ajii mo nyume baan geh yi kife ki shige le, no besaben chi gas. Besaben le be gas geh nyume be ajii. Besaben baan gas ge a fitele le ge.

¹⁸ Bee goone ki be kaase be to a ben le. Me wu Bol kibe nle mon wa chike le chike le, geen Satan banje geh bee.

¹⁹ Bee keme nta ki bee to ne nje fee fi tanlo bee jiije fwe yi fi le, ke bvujone bwesa be gvune chesa chi bee le be ge be chiaase ye yu fwe a Tada wese wu Jiso sege wu le wu ge wu kaase wu to le nyu la? Ge nyume ben ge?

²⁰ Le ben ba le mben se be bvujone bwesa.

3

¹ Noo, no bee ge yen le fi le fi gha wa, bee chu nta ki bee she jin Aten bee maa,

² bee mo be tun Timoti wu mwa bwee wese besaben wu besa bo ene Nyo le yi saaka wu jone wu kune Kletu le. Bee ge tun le wu to wu lese ben, wu teefe ben yi fitele fi ben le ben leese yi Kletu le,

³ le keefe banje ban ka bo shish muh mu ben le ge. Ben kibe kee lo le banje le wa fee fiesa besaben.

⁴ Bɛŋ kee lɛ sege bee gɛ bee besabɛŋ bee gɛ sɛɛŋ bɛŋ le baan lo lɛ besabɛŋ le be yɛŋ banɣɛ. Nyume gɛh yɛɛnyɛɛŋ no fi le fi kooshɛ wa bɛŋ kee.

⁵ Le fiɛɛ fi gɛ ge mɛ lɛ ndoo n'yɛŋ lɛ fi le fi gha wa, mɛ mo ntun Timoti ki nkɛɛ no mbɛmɛ wene le, nje nɣɛ nkɛme nfaan lɛ tanlo muh wɛɛ wu mone bamii le wu mon wa bɛŋ wu ge lɛme chichii chɪ bee lɛŋ fɛ bɛŋ le chi tu achiji.

Timoti nya saaka wu kune mbɛmɛ bamii ba Tesalonika le

⁶ Geenɛ mɛɛsɛ Timoti le wu to fɛ bɛŋ le, wu kaasɛ wu tu jin fɛ bee le, wu sɛɛŋ saaka wu jonɛ wu kune fitele fi bɛŋ leese yi Kletu le bɛ no bɛŋ dɔunyi kinɔŋɛ fɛ bamii le. Wu le wu sɛɛŋ tɛ no bɛŋ kwaji bee chuule bɛŋ ka kɛme kinɔŋɛ ki bɛŋ yɛŋ bee le no bee kɛme tɛ kinɔŋɛ ki be yɛŋ bɛŋ le.

⁷ Nje finɛ boon ba bwee wese, yi nsaasɛ bɛ banɣɛ ba bee kɛme le, shɛŋ jiɛɛ bee kune bɛŋ baan nje fitele fi bɛŋ leese yi Kletu le.

⁸ Mɛɛsɛ bee le be yɛnɛ nje bɛŋ lɛme bɛŋ tɛme bena ba Tada.

⁹ Noo, bee nyaa kiyone Nyo le baan nje bɛŋ. Bee nyaa nje njon wu bee yuge a Nyo wese besabɛŋ fwe nje bɛŋ.

¹⁰ Bee buune chiɛɛŋ antan bɛ fɛnshɛ lɛ tanlo bee ka be yɛŋ bɛŋ le ajii, wu lɛ bee nya bɛŋ bɛ fiɛɛ fi baan fi fuge yi mbɛmɛ wene le.

¹¹ Bee buune lɛ Nyo wu le Chiji wese besabɛŋ kibɛɛ mo Tada wese besabɛŋ wu Jiso gwɛnyɛ je lɛ bee to fɛ bɛŋ le.

¹² Bee buune tε le Tada ge kin̄kon̄ε kena kûu ki gêene fwe no bε̄n̄ kon̄ε bikwεε biεna bε bamii bachii, yε̄n̄yε̄n̄ no bee kon̄ε bε̄n̄.

¹³ Bee buune noo, wu le wu ge muntele mwεna tεeme, bε̄n̄ nyume jiale sε̄n̄, bε̄n̄ yuude a Nyo wù le Chiji wese besabε̄n̄ fwe sege Tada wese besabε̄n̄ wù Jiso too bε bamii ba le be bachii.

4

Kinche ki Nyo kon̄ε

¹ Ki mεεse, boon̄ ba bwee wese, bee lεge bε̄n̄, bee kude lo chiaān̄ n̄ε bamii ba le bo taas̄ε yi Tada Jiso le, no bε̄n̄ gè yε̄yε a bee le, no bε̄n̄ kεme ki bε̄n̄ chēe no Nyo kon̄ε, nyume gēh noo, no bε̄n̄ chee mεεse, bε̄n̄ gēe gēh noo bε̄n̄ gεene lo fwe fwe.

² Bε̄n̄ kee wa nteefε yi bee gè nya bε̄n̄ le a bvunga bv̄u Tada Jiso le.

³ Fiεε fi Nyo kon̄ε le le bε̄n̄ yūude. Keefε bε̄n̄ jā̄n̄e kin̄jān̄ gε.

⁴ Muh wu mumwaa wu mumwaa bε̄n̄ le kεme ki wu kēe ki wu j̄ji ye ye le a je ȳi yuude le, yi kεme ̄ngvunε.*

⁵ Keefε ye yi muh yūfe gēh lo gε, yi fuu n̄ε yi muh wu kitūn̄ ki kee gε Nyo gε.

⁶ Keefε muh gē kimbefε kεnε wu gē jiale muh bε mwa bwee yi saaka wuyu wunε le gε. Bee gè jεmε wa bee chiisε lo bε̄n̄ le baan̄ lo le Tada lé wu gē wu nō̄n̄ ̄ngε yi bamii ba gee mwεε munε le munchii.

* **4:4** Kεnε le, “Muh wu mumwaa wu mumwaa bε̄n̄ le kεme ki wu kēe no wu kēme kwεε a je ȳi yuude le, yi kεme ̄ngvunε.”

⁷ Bɛɲ kɛɛ lɛ gɛ Nyo gɛ tɛɲɛ besabɛɲ lɛ besabɛɲ chɛɛ nyume kinche kɪ nyiɛɲ lɛ gɛ. Wu gɛ tɛɲɛ besabɛɲ lɛ bee chɛɛ kinche kɪ yuude.

⁸ Fi mo fi nyume lɛ mo yɛɛɲ wù le wu fan ki wu yù nteefe chinɛ, tu gɛ wu fan ki wu yù nyume muh wu wun lɛ gɛ. Wu fan ki wu yù nyume Nyo wù nyaa Kiyo ke ki Yuude bɛɲ le.

⁹ Fi kune kinɲonɛ ki bɛɲ kɛmɛ fɛ boon ba bwee bena ba mbɛmɛ le, gɛ fiɛɛ ka baan yu fi bee ka be sanɛ kune fifiɛɛ fɛ bɛɲ le gɛ. Fine le fiɛɛ fi bɛɲ kibɛɛ le Nyo gɛ yɛyɛ wa bɛɲ no tanlo bɛɲ konɛ bikwɛɛ biɛna.

¹⁰ Yi nchiɛɛɲ le, bɛɲ konɛ wa boon ba bwee bena bachii ba a kimbe kɪ Masɛdonia le. Geenɛ boon ba bwee wese, bee ka teefe bɛɲ lɛ bɛɲ gɛɛ gɛh noo bɛɲ gɛɛne lo fwe fwe.

¹¹ Bɛɲ mon lɛ bɛɲ chɛɛ kinche kɪ nyiɛgee, keefe bɛɲ lɛese jwe fɛ mwɛɛ mu bamii le gɛ. Bɛɲ lɛne bɛ chiaan yene no bee gɛ teefe bɛɲ.

¹² Noo bamii ba akfuun mo bo nyaa ŋgvunɛ fɛ bɛɲ le, bɛɲ gɛ ka bɛɲ chɛɛne muh mu yi fiɛɛ le gɛ.

Kune kife kɪ Tada lé wu gɛ wu kâasɛ wu to

¹³ Boon ba bwee wese, gɛ bee goone lɛ bɛɲ nyume yi kijibɛ le kune bamii ba le ba kweeyɛ wa gɛ. Bee goone lɛ bɛɲ kɛɛ, wu lɛ keefe bɛɲ nyûme yii yii nɛ bamii ba jiiɲɛ gɛ fwe yi bvujonɛ bvu too le gɛ.

¹⁴ Besabɛɲ le be bɛɛɲ lɛ Jiso gɛ bee wu kwe wu kaasɛ wu bu yi kwe le, le gɛh yɛɛɲyɛɛɲ no Nyo lé wu gɛ wu kâasɛ wu chvûu Jiso jin bɛ bamii ba gɛ kweeyɛ bo nyume bo taashɛ bɛ wu.

¹⁵ Bee jɛme finɛ bee bii gɛh nyu jɛ yi Tada le, lɛ gɛ besabɛɲ ba shɛshi ajin ba lé ba gɛ ba nyûme yu yi

kife ki Tada lé wu gê wu tôo le, gɛ besabɛɲ nyume bee sa fwe a bamii ba le bo kweeyɛ wa le gɛ.

¹⁶ Bɛɲ kɛɛ lɛ Tada kibɛɛ lé wu gê wu já fɛwe wu shíide wu tôo wu wânɛ fɛwɛɛwe bɛ jɛ yí tɛɛme, kikwɛɛ ki banchɛndaa ba Nyo jáɲɛ tɛ, son yí Nyo jême. Bamii ba gɛ kweeyɛ wa bo nyume bo taashɛ wa bɛ ba Kletu ya bo bu fwe.

¹⁷ Noo Nyo mo wu chufɛ besabɛɲ ba lé ba shêɛ ba nyûme yu mo bo taashɛ yi kimbɛ le bee gɛɛɲ be tasɛ bɛ Tada yi kibvulɛ le. Besabɛɲ bɛ Tada mo be nyume segechii.

¹⁸ Noo bɛɲ mo bɛɲ jîɛɛse fitele fi muh bɛ muh bɛ njɛmɛ wunɛ.

5

No tanlo muh chîɛɛne nto wu Tada

¹ Boon ba bwee wese, kune kife bɛ juu chi nto wu Tada, gɛ fi nyume lɛ ba ka ba san lo fiɛɛ kune fifiɛɛ fɛ bɛɲ le gɛ.

² Bɛɲ kibɛɛ kee lo chuule lɛ juu chi nto wu Tada lé chi gê chi nyûme njɛ chi choɲ antan.

³ Sege bamii lé bo gê bo dûu lɛ, “Nyíɛgee le yu, fiɛɛ nyume gɛ yu fi muh ka wu faane gɛ”, nɛɛ mo wu jáɲɛ wu gwe yi bo le njɛ lume fɛ chi ja chi to yi kwɛɛ wù le bɛ fwe le, je gɛ ka yi nyume yu yi bo legɛ gɛ.

⁴ Geenɛ boon ba bwee wese, gɛ bɛɲ nyume fiena yi kijibɛ le, wù juu chiyu lé chi já gɛh nɛ chi tô fɛ bɛɲ le njɛ choɲ gɛ.

⁵ Njɛmɛ nɛ njɛ bɛɲ bachii le bamii ba n'yu, bɛɲ nyume bamii ba fɛnshɛ. Gɛ besabɛɲ nyume bamii ba antan kɛnɛ ba le yi kijibɛ le gɛ.

⁶ Noo, keefe besabeh lefe no bamii bamu lefe ge. Besabeh nyume we be bvufee bwesa fo bvuchii.

⁷ Bamii ba lefe to bo lefe nyume antan, bamii ba mbvuun koode bo, mo to mo koode bo nyume antan.

⁸ Geenε, no besabeh le fiesa bamii ba fenshe, besabeh nyume be bvufee bwesa fo bvuchii. Besabeh jô mbeme be kinkehε mo nyume nje kichwa ki jeh kî bee le be bôon bee banε gvûu yese besabeh yu, bee jô tε njinε wû besabeh jiinε fwe yi mbvuse le wu nyume nje kifo ki jeh kî bee boon.

⁹ Beh kêe le ge Nyo gè cha besabeh wu gee le wu dûnye nyu shén ye yî beεne besabeh le ge. Wu gè cha le besabeh keme nyu mbvuse fede yi Tada wese besabeh wu Jiso Kletu le.

¹⁰ Jiso Kletu le wu wû gè kwe nje besabeh, wu le kenε besabeh le yu, kenε besabeh le be kwe, besabeh nyume geh be wu.

¹¹ Noo, beh mo beh yûfe muntele mu muh le muh, beh jôone tε muh le muh no beh gee.

Nteefe yi fεkimεε be n'yεε

¹² Boon ba bwee wese, bee lege lo beh le beh ngvûune bamii ba lene bo ka jiinε fε beh le yi saaka wu Tada le bo ka teefe beh.

¹³ Beh dûunyi ngvune bo le chuule yi kinkehε le nje lεme chiboo. Beh kême tε kinche kî nyiegee abeh ntenεε.

¹⁴ Bee ka lege tε beh boon ba bwee wese le beh tēefe bamii ba laame geh lo, beh yûfe muntele mu bamii ba keme njan, beh flih tε bamii ba wεyi. Beh kâne shén be bamii bachii.

15 Bɛɲ yêne le keefe muh chvûse kimbefe bɛ kimbefe gɛ. Bɛɲ gôone segechii ki bɛɲ gêe nyume mwɛɛ mù njɔɲɛ fɛ bikwɛɛ biɛna le mo fɛ bamii le bachii.

16 Bɛɲ lânɛye segechii,

17 bɛɲ búune kife le kichii,

18 bɛɲ nyâa kiyone Nyo le yi fiɛɛ le fichii fi kooshi. Finɛ fiɛɛ le fi Nyo goone fɛ bɛɲ ba le yi Kletu Jiso le.

19 Keefe bɛɲ chîde lɛme chi Kiyo ki Yuude gɛ.

20 Keefe bɛɲ lâase bantɔɲ ba Nyo ba bamii be teede gɛ.

21 Bɛɲ tâade mwɛɛ munchii, bɛɲ jôde mù njɔɲɛ bɛɲ lɛme yi mu le.

22 Bɛɲ bvûuse chiaaɲ fɛ mwɛɛ mù mbefe le munchii.

23 Nlɛge le Nyo kibɛɛ wù le Nyo wu kimbone wu gê le bɛɲ yuude bachii yi fiɛɛ le fichii. Wu gêe kiyo kena bɛ muntele mwɛna mo ye yene, mu nyûme ngile sɛɲ yi kife kî Tada wese besabɛɲ wù Jiso Kletu lé wu gê wu tô le.

24 Wu wù Nyo wù gè tɛɲɛ bɛɲ, le wu wù to wu lɛme gɛh yi jɛ ye le, wu lé wu gê noo.

25 Boon ba bwee wese, bɛɲ búune fɛ bee le.

26 Bɛɲ yêse boon ba bwee wese besabɛɲ le bachii, bɛɲ kfûgɛ, bɛɲ shîɲɛ nɛ bamii ba Nyo.

27 Nɛme nchiise lo bɛɲ le a bvunɲa bvɔ Tada le le bɛɲ tɛɛɲ ɲwa wunɛ fɛ boon ba bwee wese besabɛɲ le bachii le bo yù.

28 Kinɲonɛ ki Tada wese besabɛɲ wù Jiso Kletu ki nyûme bɛ bɛɲ.

Nchane (Ncane)
The New Testament in the Ncane language of
Cameroon: Nchane (Ncane) (New Testament+)

copyright © 2020 Wycliffe Bible Translators, Inc.

Language: Nchane (Ncane)

Contributor: Wycliffe Bible Translators, Inc.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-16

PDF generated using Haiola and XeLaTeX on 16 May 2025 from source files dated 16 May 2025

5108ebb0-51ad-5d6b-94ef-93cc302ed337